



صباح الخير



مين سمحك
تطلعي قبل النهار
ولا خلاص اقتنعتي
اني مسلوب القرار
ولا بقيتي واثقه
من مناعتي ضدك
في انهيار
يا قلب عمره ما كان بيعرف
الا ثقافه الانتصار
معملتيش حساب
أن الأحلام ليها حرمه
وان للقلوب اسرار
مين ادالك حق تحتلي مدينتي



الغزو ببسبقة انذار
يوم ما قررت نبعء
معملتش حساب أن حبك
ليا سلاح جبار
وأن حنيتك وخوفك عليا
ترسانه و برائك بجيش جرار
كنتي لسه في الحلم سايبك
واحنا صغيرين
صحيت على ايدك بتهزني
وتقولي قوم بقينا كبار

“““““

خلاص صحيت
ومشاكلي اليوميه بسببك تبتي



انا اسف اصلي حبيت

عزر غير مقبول

الناس ليهم دنيتهم

وانا لوحدي في دنيتي

دلوقت هنزل واشوفك في كل البنات

وانتي كل المانيكانات..

ماليه كل الفترينات

صورتك على كل الافيشات

فتاه كل الإعلانات.

بطله افلام ومسلسلات

واكتشف فجائه

أن مشيت في طريق غلط

وأن دي سكه بيتك مش سكتي



اتعودت رجلي عليها

أيام ما كان ضلي

مستعجل

بيسبق خطوتي

وارجع وانا بسترجع

كل لحظه كنا فيها سوي

واقولك بحبك تقوليلي وانا كمان

واقولك بعشقتك تبتسمي وتسكتي

تصبحي على خير

بس عايز اقولك كده كتير

ملزمانى فى كل تفصيلة فى يومى

طعم اسمك فى شفائى

وشعرك مبدور على كتفى





ورِيحه عطرك في هدومي
مع الناس انا بس جسم موجود
اه موجود بالاسم
وانتي في بالي زي الحلم...
لحظه بس التفت ليهم لما يقولو ..
معانا يا نجم
بخصوص الحلم
الليلاذي متاخريش هستناكي
بتمناكي متسبنيش بعيشه معاكي
كأنه علم
في الحلم حضني ليكي
مش خطيه
ما هو كل الأعمال العظيمة



في البشريه
بدأت حلم
في عندي اسأله
محتاجه لفهم
ليه المخرج خلاني
في حياتي بلعب دور ثاني
وبطولتك مطلقه في الفيلم
ورسملي صورتك في بطاقتي
و اسمك في فصيله الدم
مش مهم
مش عايز اعرف
بس نفسي ترجعي تسمعي
تلحقي وردك في بلكونتي



قبل ما ينشف
نفسى ارجع
اسمع منك نعم
لما اندهلك
واقول
يا انا
الليله دي الوتر تعبنا
وخاصمني
قوس الكمنجه عشان
زي النهارده كان فراقنا
من سنه